



108年教育部

閩客語文學獎

用本土語言尋找文學的能源



客家語 ▶ 現代詩 ▶ 學生組

李夢花 女士

得獎作品 /

香籃仔 (海陸腔)



【得獎感言】

珍惜多一滴仔，遺憾就會減一兜仔。

世間个生、離、死、別，無人閃得過，告別式係人生个畢業典禮，到時會帶等哪種心境摺親人告別？遺憾？毋盼得？傷心？祝福？

遺憾个係來毋掣摺祂講个話。

毋盼得个係永久个分離。

傷心个係祂無法度接平親人个心痛。

祝福祂去西方極樂世界一路順序。

香籃仔係佢後生就過身个老弟，原旦緣投砸礮个身影，斯伸一隻香籃仔吊在壁頂，到今還係歸屋下人摸毋得个傷口。望等香籃仔，細時節共下拈蟪螺、拈油桐子个情景，像一幅幅个圖現在目珠前，香煙裡肚連結著祂个想望，換佢來孩起祂个完整个人生。人爭毋過天、拗毋贏命，斯愛篤篤實實過好逐隻日仔，斯願佢个一生人無遺憾。



香籃仔

壁頂該條線

連等香籃仔 晃晃晃晃

魂魄 茫茫渺渺

盲變神 盲做仙

暫時 你還在這

厝愛漸漸仔慣

無你个身影

旁脣个白幡

終究渡你向西天

香籃肚紅紙袋个時生月日

你來過个印記

你來毋掣寫个人生樂章

厝來替你完整

點一枝香裊裊香煙

聯結回憶 思念跔等去

哪有毋煞棚个戲

哪有毋凋殘个花

毋使驚 毋好斡頭

坐等蓮花向西方

過了年

桐花跌落个時節

厝會拈起一蕊

放在神桌前

分你聽遠方五月个回音